





# OCEANS NORTH

 Oceans North, Greenland Office  
3900 Nuuk PO Box 1433

 +299 522406

 [www.oceansnorth.org](http://www.oceansnorth.org)

## Oceans Northip Kalaallit Nunaanni Aalisarnermut Ataatsimiititaliarsuarmut allagai

*August 2020*

Oceans North, Suliniaqatigiiffiup pisortanut attuumassuteqanngitsup Issittup Imartaani aamma imartani avannaarsuaniittuni piujuartitsinissamik inuiaqatigiinnilu ingerlalluarnissamik immap avatangiisaannik pinngitsuuisinnaanngitsunut qitiutitsisuuvoq. Ocean North Issittup kangiani aamma Canadap Atlantikumut atasortaani Canadami aalisarnermik ingerlatsisuiut ataatsimiititaliap siunnersuineramik suliaqarpoq, aamma NAFO-mi alaatsinaatsuusimalluni. Nalunngilarput, inuiaqatigiit sinerissamiittut peqqissut inuussutissatigut isumannaatsuunissami aamma aningaasarsiornikkut ingerlanissami peqqissumik imaatigut avatangiiseqarnermik tunngaveqartut.

Apriliimi 2017-imi Oceans North Kalaallit Nunaanni qaleralinniarneq pillugu Ilulissani ataatsimiinnermik aqqissuussisuuvoq. Ataatsimeersuarneq ullunik pingasunik sivilissusilik Siunnerfeqatigiinnermik Isumaqatigiissummik (Memorandum of Understanding (MOU)) kinguneqarpoq, taannalu suliffeqarfinnit angisuunit tamanit aamma sinerissami qaleralinniartut kattuffiinit tamanit atsiorneqarpoq, taakkununga ilaallutik KNAPK, SQAPK, Aalisarnermut Piniarnermullu Naalakkersuisoqarfik, Sinerissamit Aalisarnermik Nakkutilliisut, Pinngortitaleriffik, Qaasuitsup Kommunia, Royal Greenland aamma Greenland Halibut.

/: Isumaqatigiissutip taassuma assilineri allakkanut ukununga ilanngullugu nassiupparput. :/

Isumaqatigiissutip siunertaraa siunissami qaleralinniarnermi, najukkami, nunap immikkoortuani nunalu tamakkerlugu akisussaasumik aalisarnermik pilersitsinissami siunissami oqaloqatigiittarfissamik aallaavimmik pilersitsinissaq. Aalisarnermi piujuartitsineq aamma pitsaassuseq ingerlatsinermi iliuuseqarnermi qitiutinneqassaaq. Aalisartut, biologit, aqutsisut aamma tunisassiorlut akornanni oqaloqatigiinneq akuunerlu annertusarneqartariaqarput.

Oceans North Issittup Imaata Qiterpasissortaani aqunneqanngitsumik aalisartoqalersinnaanera pinngitsoortinniarlugu nunat tamalaat akornanni isumaqatigiissummik atsioqatigiinnermut sunniuteqarluartut ilaattut peqataavoq, taannalu Ilulissani oktober 2018-imi atsiorneqarpoq. Isumaqatigiissutip taassuma takutippaa, naalagaaffiit Issittumiittut kajumissuseqarneruleriarunik ilisimatuussutsikkut aamma mianersortumik periuseqarluni Issittup Imartaata Qiterpasissuani aalisarnermik tunngaviliisinnaasut. Ilisimavarput Isumaqatigiissutip piviusunngortinniarnernut annertunerusumik iliuuseqarnissaq pisariaqartoq. Kisiannili Naalagaaffiit Issittup Imaanut sineriaqartut namminneq oqartussaaffigisami iluani aalisarnermik aqutsinermi Issittup Imaata Qiterpasissuani siunissami qanoq iliuuseqartariaqarnerat ilimanartoq sunniuteqarfigilerumaarlugulu.

Aalisarnermut Isumalioqatigiissitap maanna suliaanut attuumassuteqartut inassuteqaativut aamma Kalaallit Nunaanni aalisarnermut inatsisip 1996-imeersup nutarterneqartariaqalivissutut pisariaqalersutut isigaarput. Aalisarnerup Kalaallit Nunaannut pingaaruteqarnera nalunngilluinnarparput, tassunga ilanngullugit ingammik Kalaallit Nunaanni qaleralinniarnepup aamma Kalaallit Nunaanni raajarniarnepup pingaaruteqarneri. Taamaattumik allagaq manna aamma 2017-imi ataatsimiinnermik malitseqartitsinertut isigaarput. MOU-imilu immikkut iliuuseqarnissamut taakkartorneqartut utaqqiinnaanngikkaluarlugit isumaqatigiissummi siunnerfiusut ilaat tassalu Kalaallit Nunaanni qaleralinniarnepup aningaasarsiornikkut nalinga, pisat aamma pisassiissutit allanut aalisarnernut naleqqiullugit pingaaruteqassusii matumani isiginiarneqarnissaat siullertut iliuuseqarfigneqartussatut pingaartutut isigaavut.

## 1. Imaani aalisarnermi piujuartitsineq aamma ilisimatuussutsikkut siunnersuinerup malinneqarnissaa

Sinerissap qanittuani aalisarneq angallatinit mikinerusunit ingerlanneqarpoq, Kalaallit Nunaata sineriammit aningaasarsiornikkut pilersorneqarnera aalajangiisuvoq innuttaasunullu isumatumik suliffisaqartitsilluni. Canadami misilittakkat takutippaat, sinerissap qanittuani qaleralinniarnepup innarliasuusoq. Newfoundlandimi 1970-ikkunni 1980-ikkunnilu kangerliumanerni aamma kingorna sinerissap qanittuani aalisartut amerlanerit piujunnaarsimapput, naak avataani aalisarfiit sulii peqaraluartut. Maannakkullu mianersornerusumik aalisarnerup aqunneqarnera aaqqiiffigneqanngippat Kalaallit Nunaanni sinerissami aalisarnerup Canadamisuulli assingusumik kinguneqarsinnaanera aarleqqutigaarput.

### *MSC naapertorlugu naliliinermi angusat*

Sinerissap qanittuani aalisarneq 2018-imi MSC naapertorlugu naliliiffigneqarallarpoq taassumalu ataani nalilersuisarnerit pingaartitallu tunngavigisat malillugit aalisarnermi ajornartorsiutit annertuut paasineqarput.

Taakkununga ilaapput:

- Kalaallit Nunaanni qaleraqassutsip annikilliarturnera naleqqersuinissamilu killigititaasutut isigineqartunik naleqqersuutaasinnaasunik soqarani taamaalilluni killiliisoqassagalarpat qanoq annertutigisumik killiliisariaqarneq oqaatigineqarsinnaanani.
- Aqutsinermi pilersaaruteqartoqanngilaq imaluunniit aalisagaqatigiit ikilivallaalersimappata aaqkikkiartoqqilernissaannut sakkussaalatsisoqarpoq pilersaaruteqaranilu.

- NAFO-p pisanik nakkutilliinermi malittarisassaqaqarnera uppersarsinnaagaluarlugu, taamaattoq aalisagaqatigiit ikiliartulersimatillugit pisassiissutaasartunik annikillisaasariaqarnermut aalajangersagaqanngilaq malittarisassaqaqaranilu.
- Aalisagaqatigiit nalilersorneqarnerannut atasumik ikiliartuutaanngitsumik annertunerpaamik pisassiisoqarsinnaanermut (MSY=Maximum Sustainable Yield) naleqqersuutaasinnaasunik soqanngilaq.
- Pisisuukkat nakkutigineqanngillat qanorlu annertutigineri pillugit naammaginatsumik nalunaarsorneqarneq ajorput. Aalisarnerup timmissanut imaanilu miluumasunut qanoq sunniuteqartarnera erseqqinngilaq.
- Korallit svampillu siaruarsimanerannut immap assinganik takussutissaqanngilaq imaluunniit uummaviusuni aalisarnerup siaruarsimanera pillugu immap asseqanngilaq.

Aalisarnermik aqutsineq pillugu pilersaarut tassaavoq MSC naapertorlugu naliliinermi aalisarnermi ajornartorsiutit paasisat pillugit iliuuseqarnissamik tunngaviusoq, tassuunakkulli aalisarnerup nutaaliaasup aqunneqarnera pillugu sutigut pitsanngorsaasoqarsinnaaneranik misissuineq, tamatumalu ineriartortinneqarnissaa nukinginnartupilussuavoq. Pisisoortakkat annertusiarturnerata isumakulutsilsilernerata ilutigalugu – ingammik NAFO-tigoortumik aalajangersakkatigut eqalussuit tunineqartarnerata inerteqqutaalernissaa eqqarsaatigalugu aamma ilaasortat akornanni pisisoortakkat annertussusaat nalunaarutigineqartalernissaat piumasaqaataalerpat – nalaatsortumik pisat nalunaarsorneqartalernissaat pingaaruteqarluinnalertussaavoq.

### *Ilisimatuussutsikkut siunnersuineq aamma aalisagaqatigiinnik piujuartitsineq*

Qeqertarsuup Tunuani Uummannamilu aalisagaqassuseq ukiuni kingullerni tallimani annikilliantulersimavoq, Upernaviullu eqqaani annikilliantorsimanerat taama annertutigisimanani. Taassuma saniatigut qalerallip angissusaa milliartorpoq, ukiunilu kingullerni CPUE annikilliantulersimavoq. (NAFO SC 2020-mi nalunaarut – Ilisimatuut nalunaarutaat naapertorlugu).

Ukiuni kingullerni ilisimatuut siunnersuinerat qaangerujussuarlugu Qeqertarsuup Tunuani pisassiisoqartarsimavoq.

- 2015-imi NAFO-p Ilisimatuussutsikkut Siunnersuisoqatigiivisa siunnersuutigaat, Qeqertarsuup Tunuani pisat 8000 tonsinit annikinnerussasut.
- 2017-imi NAFO-p Qeqertarsuup Tunuani pisat 6400 tonsit qaangissanngikkai siunnersuutigaa.
- 2019-imi pisassiissutit 8180 tonsiupput, 1320 tonsit 2018-mit nuutaallutik.

Tamakku ilisimatuussutsikkut siunnersuinermit naleqqiullugit 40%-imik qaffiarnerupput. September 2019-ip aallartinnerani Naalakkersuisut Qeqertarsuup Tunuani qaleralittassiissutit 2400 tonsinik ilavaat, tamanna katillugit 10.548 tonsiuvoq. Tamanna pivoq, naak biologit Qeqertarsuup Tunuani qaleralittassiissutit 5120 tonsiunissaannik inassuteqarsimagaluartut (*Sermitsiaq: 10. september 2019*).

2021-2022 NAFO-mit ilisimatuussutsikkut siunnersuinermit 2019-imi pisat 50%-iinik ikileriarnissaat inassutigineqarpoq (takuuk tabel 1). Siunnersuineq pisani aalisakkat angisuut amerlassusaasa appariartornerannik tunngaveqarpoq. Maluginiassallugu pingaaruteqarpoq, maanna sinerissap qanittuani aalisarneq aqutsinikkut anguniagaqanngimmat naleqqersuuteqaranilu. Taakku pilersinneqartariaqarput aalisakkallu qaqugukkut toqusarnerannik killiffii takussutissaqartariaqarput naleqqersuutissanillu ilaqartariaqarlutik, taamaalilluni aqutsinermi iliuusissat naapertuuttut piviusunngortinniarnernut sakkusaqartoqalissalluni. Taamatut aalisarneq piujuartitsinermik tunngaveqarneranik minnerpaamilluunniit oqartoqarsinnanngilaq. Qularnanngilluinnarpoq taamatut aalisarnermik ingerlatsineq ingerlaannassappat, sinerissap qanittuani qaleralinniarnernup ajalusoornissaa piumaartoq.

Table 1. Kalaallit Nunaanni sinerissap qanittuani qaleralinniarnaq. Naatsorsueqqissaarnerit allattorsimaffiat (paasissutissat NAFO SC nalunaarusiaanit 2020-mit tigusaapput)

Sumiiffik	2019 Pisat tonsinngorlugit	2021-2022 NAFO - p ilisimatuus- sutsikkut siunnersuina	% annikilliliinissamik piumasaqaat	Ingerlatsiner mi anguniakkat	Uttuutit	Oqaaseqatit
1A Upernavik	7169 (ukiuni 5 agguaqatigiissil- lugit)	5068	28%	Soqanngilaq	Soqanngilaq	Siuliani siunnersuineq malillugu aalisakkat ataasiakkaat agguaqatigiissillugu angissusaata milliartuinnarnerata ingerlaannarnissaa naatsorsuutigineqar- tariaqarpoq
1A Uummanaq	10243	5153	50.30%	Soqanngilaq	Soqanngilaq	Siuliani siunnersuineq malillugu aalisakkat ataasiakkaat agguaqatigiissillugu angissusaata milliartuinnarnerata ingerlaannarnissaa naatsorsuutigineqar- tariaqarpoq
1A Disko Bay	8759	4345	49.60%	Soqanngilaq	Soqanngilaq	Siuliani siunnersuineq malillugu aalisakkat ataasiakkaat agguaqatigiissillugu angissusaata milliartuinnarnerata ingerlaannarnissaa naatsorsuutigineqar- tariaqarpoq
1 BC Inshore	?	200 qaangernagit	?	Soqanngilaq	Soqanngilaq	Misissuinermit paasissutissaqanngi-laq, niuernikkut paasissutissanik nassiussisoqanngilaq

### *Aningaasaqarnikkut attassisinnaassuseq*

Sinerissap qanittuani aalisarnerup ullumikkutut ingerlanera aningaasarsiornikkut uumassuseqarnikkullu piujuaannarsinnaanera GrønlandsBanken A/S-imit isumakulunnartinneqarpoq: *“Pisassiissutaasartunik allannguisarnerit pillugit aalajangersaasarnerit piffissami sivisujaami pisassiissutaasartut qaffasippallaarnerisa susassaqarfiusumilu aalisartut amerlavallaarnerisa nalaani pisarput. Tamannalu attanneqarsinnaanngilaq uumassuseqarnikkut aningaasarsiornikkullu piujuartitsinermik tunngaveqarani.”* (2019-mi GrønlandsBanken A/S-ip Ukiumoortumik Nalunaarutaanit issuaaneq).

Ilisimatusartut aalajangersaavigisartagaasa, avatangiisini piujuartitsinermik tunngaveqarnermik uppersaasartut akornanni nalilersuisartut aamma aningaaseriviit akornannit sinerissap qanittuani aalisarnerup aqunneqarneralu pillugit ernumanerit saqqummerput.

**Inassuteqaat:** Siunissami pisassiissutit tamarmik ilisimatuussutsikkut siunnersuinerit malillugit aalajangersarneqartalissapput. Aalisarnermik aqutsinermik pilersaaruteqannginneq aamma aalisarnermik tamakkiisumik nalunaarsuisannginneq peqquataallutik, pisarineqartut qularnanngitsumik pisassiissutaasut sipporlugit pisarineqartassapput. Pisassiissutit annertussusilerneqarneri ilisimatuussutsikkut siunnersuinerit qaangerlugit aalajangersaavigineqartarnerisigut pinngortitami ataqatigiiffiusuni assingusuni allani misilittakkat malillugit aalisarnerup ajalasoornarnerik kinguneqartarput malunnaatilimillu sinerissami inoqarfinni aalisarnermi aningaasarsiornikkut kinguararfiorujussuuartarpoq. Tamannalu pinngitsoortinneqartariaqarluinnarpoq.

**Inassuteqaat:** Ilisimatuussutsikkut misissuinernit paasisat katersarineqartut saniatigut aalisarnermi allanngornerit saniatigullu pisarisuukkat pillugit paasisutsissat sumiiffinni ilisimaneqartut ilanngullugit katersorneqartariaqarput.

**Inassuteqaat:** Aalisariaatsinik pitsanngorsaaniarluni Suliniutinut sinerissap qanittuani Kalaallit Nunaanni qaleralinniarnermi avataaneersunik peqateqarluni Kalaallit Nunaat toqqaannartumik peqataanerulertariaqarpoq, pitsanngorsaataasinnaasut amigaataasut qulakkeerniarlugit. Sinerissap qanittuani avataasiorniluni aalisarnermi pineqartut tamarmik aalisagaqatigiit tunngavigaat ataasiinnaviit taamaattumillu pisariaqarluinnarpoq ilisimatuussutsikkut tunngaveqarluni pisassanik aalajangersaasarnerit, aalisarnermik aqutsinermi anguniakkat aamma malittarisassat tunngavigineqartut assigiissaartuusariaqartut. Aalisariaatsinik pitsanngorsaaniarluni Suliniutip inernerisariaqarvaa aalisarnerup aqunneqarnissaa pillugu pilersaaruteqalerneq taamatullu aalisarnerup piujuartitsinermik tunngaveqarnera qulakkeerniarlugu iliuuserineqartussanik sakkussaqaalernissaq. Ilisimatuussutsikkut sumiiffinnilu ilisimasat tamarmik matumani ilaatinneqartariaqarput.

**Inassuteqaat:** Aalisarnerup sinerissami inoqarfinnut pingaaruteqarnera eqqarsaatigalugu, inuuniarnikkut aningaasarsiornikkullu atukkat pillugit misissueqqissaarnermik suliaqartoqartariaqarpoq tassuunatigut aalisagaqassutsip ajalasoornertigut inoqarfinni ataasiakkaani aningaasarsiornikkut kingunerisinnaasai eqquisinnaaneralu pillugit sukumiisumik paasinninnissaq anguniarlugu.

## 2. Aalisarnermi akuersissutinik agguaasarneq

Ukiuni kingullerni pingasuni Qeqertarsuup Tunuani qaleralinniarsinnaanermut akuersissutit agguaanneqartut 78%-imik qaffariarsimapput piffissamilu pineqartumi aalisagaqassuseq kinguariarsimalluni. Tamatuma kingunerisaanik aalisartut isertitaat appariarnermik kinguneqarpoq, tassami tamarmik aalisagaq ataasiinnavik ukkatarimmassuk. Aalisarsinnaanermut akuersissutinik tunniussinerup malitsigigajuppaa aalisartut angallatitaarnerannik aalisarnermullu atortunik pisiortornerannik. Pisarineqartartullu ikiliartuinnartut peqquataallutik taasersugassaminnut akilersuiniarnerminnut piunasaqaataasunut naammassinnissinnaajunnaartuinnarnerannik kinguneqaartumik. *(Grønlandsbanken – Ukiumoortumik nalunaarut 2013/2016 malilllugu).*

Aalisarnermi pisarineqartartut appariartornerannut ukiuni kingullerni tallimani sinerissap qanittuani pisassiissutaasartut Naalakkersuisut iliuuseqarniarlutik ukiup naajartornerani pisassiissutinik qaffaasalerput, ukiup aallartinnerani pisassiissutaareersut ilisimatuussutsikkullu siunnersuinerit isiginngitsuusaarlugit. Aqutseriaaseq taamaattoq siunissaq qaninnerusooq ungasinnerusorlu isigalugu piujuartitsinermik tunngaveqanngilaq, qalerallillu nalitunerujussuat ingerlaavarsinnarpoq. Aningaaserivimmullu akilersuinermut naammassinnissinnaanerulernissamut ikiuutitut pisassanik qaffaasarneq ileqquliunneqaannartoq pitsaasuunngilaq. Tassami aalisapilunnissamut ammaassinerusutut oqaatigineqarsinnaavoq. Pisassiissutit akuersissutillu agguaanneqarnerisigut politikikkut imminut iluaqutissinniarnernarmik kinguneqarmat arlaannaalluunniimmi Kalaallit Nunaanni inoqarfimmiuisa soqutigisarinngilluinnarppaa. Isumalluutigineqartup annikilliartuinnarnerata nalaani aalisarsinnaanermut akuersissutinik amerlanernik agguaassisarneq pigissaarnerulernissamut aqqutissiuisuunngilluinnarpoq piitsuunerulernissamullu aqqutissiuisuulluni.


**Inassuteqaat:** Pisassiissutinik aalisarsinnaanermullu akuersissutinik agguaassisarneq pillugu pilersaarusiortoqartariaqarpoq, piujuartitsinermik tunngaveqartumik aalisarnerup aqqqissuussaasumik ingerlalernissaata tungaanut akuersissutinik agguaassisarnerup unitsikkallarnissaa pisariaqarluni.

**Inassuteqaat:** Ukiup aalisarfiusup ingerlanerata nalaani aalisarsinnaanermik akuersissutinik pisassanillu agguaassisarneq piaarnerpaamik atuutilersumik unitsinneqartariaqarpoq tamannalu atuutsinneqalertariaqarluni 2021-mi aalisarnerup aallartinneraniit.

### 3. Avataasiorluni Qalorsuarsorluni aalisarnermi sunniutit Najugannaanillu malissarissunik Illersuineq

Naak Kalaallit Nunaanni qalorsuarsorluni qaleralinniarneq Marine Stewardship Councilimiit 2017-imiillu akuerineqareeraluartoq tamaattoq sumiffiit ilaanni immap naqqatigoorluni qalorsuarsorneq inerteqqutaatinneqarpoq. Sanilliussissagaanni taava Aalisarfimmi OA/OB-p ilaani imartami Canadap EEZ-taata ilaani sumiffiit ilarujussuini qalorsuarsortoqaqqusaanngilaq, 12 sømililit sinerissamit avammut titarneq tikillugu allaat.

*NAFO-p oqartussaaffigisaani Nunatta Canadallu akornanni imartami aalisarfigineqarsinnaasut aqutsivikkaartumik aaqqissuunneqarnerat. Uani takuneqarsinnaavoq aqutsiveqarfik OA/OB.*



2022-mi tullissaanik MSC-mik nalilersuinermi najugannaat illersorneqartut pillugit nutaamik naliliiffigineqartariaqarput, ingammik korallit aamma svampet matumani aalisarnermi immikkut isiginiarneqartariaqarput, siunissami piujuartitsinermik tunngaveqartumik aalisarnerup ingerlanissaa eqqarsaatigalugu. Paasivarpuk qalorsuarsornerup sunniutigisinnaasai Kalaallit Nunaanni aalisartut akornanni sakkortusiartortumik isumakuluutigineqartoq. Kalaallit Nunaata imartaa immap naqqarmiunik pinngortitami ataqtigiiffiusunik uummaarissunik ilusilersorluakkanillu angerlarsimaffiuvoq aalisakkanut qalerualinnullu aningaasarsiornikkut



pingaaruteqartumik aalisarneqartunut inuussutissanik pilersuisutut. Najugannaat pineqartut illersorneqarnerisigut aalisagaqatigiit pineqartut siunissami akiuulluarsinnaassusiat qulakkeerneqassapput. Iliuserineqarsinnaasullu maannakkut pisinnaapput taamaaliornikkut imaani pinngortitami ataqatigiiffiit sunnertiasut illersorneqarnerisigut, nutaamik tunngaviusut nalilersuutillu tunngavigalugit qulakkeerneqassalluni.

**Inassuteqaat:** Aalisarnermut inatsit 1996-imeersoq allanngortinneqartariaqarpoq, taamaalilluni sinerissap qanittuani 12 sømilit iluani immap naqqani kilisanneq killilersorneqalerluni.

**Inassuteqaat:** Avataasiorluni aalisarneq MSC-mik ilisarnaaserneqaaqqippat Kalaallit Nunaatalu EEZ-taata iluani koralit svampellu eqimattatut amerlanerpaaffiisa sumiiffippiai malunnaatilimmik misissorluarnerisigut sumissuserneqarpata, sumiiffiit ilaasa najugannaavini annertoqataannik matusiortortariaqarnerit annertussusilerneqartariaqarput, 2022-mi nutaamik MSC-mik naliliineq sioqqullugu tunngavilerneqarlutik.

**Inassuteqaat:** Qalorsuarsorluni aalisarnerup sunniutai pillugit nalunaarsorneqartariaqarput. Aalisarnerup sunnerfigisimasaata avataani ingerlanneqartup immikkut isumaqatigiissuteqarnikkut aalajangersagaqartariaqarpoq misileraalluni aalisarnermik taallugu ingerlatsivigineqarsinnaasunik taamaalilluni sunniutai sopiaanersut nalilerluarumallugit, taamatullu immap naqqani uumassusillit sunnertiasut soorlu koraleqarfiusut svampeqarfiusullu innarlerneqarsinnaanerat aalisarfiusumi NAFO-p aqutaata iluani pinaveersimatinniarlugu.

Oceans North soqutigisaqatigiit peqatigalugit, sinerissap qanittuani aalisariaatsinut pitsanngorsaatinik suliniutinik aamma siunnerfeqatigiinnermik isumaqatigiisummi MOU-mi 2017-imeersumi siunnerfiusunut naleqquttunik suliniutinik aallartitsinissamut suleqateqarnissaminullu piareersimavoq. Inassuteqaatit pineqartut pillugit Aalisarnermut Ataatsimiititaliarsuup oqalliseqatigiinnissaa qilanaaraarput.

Inussiarnersumik inuulluaqqusillunga,

Ocean North sinnerlugu,

Søren Stach Nielsen

sstachnielsen@oceansnorth.ca

liminaq 20, PO Box 1433,

3900 Nuuk